

二十四史九通政典類要合編

後漢

第六冊

蘇子知

PDG

二十四史九通政典類要合編後漢目錄

卷三十九

後漢一

帝系

帝號歷年

改元附

皇太后皇后

皇太子皇子

宗室公主

內職

諸園貴

人 出宮人

卷四十

後漢二

封建

封皇子

封宗室

封功臣

錄功臣後

細分封

宰相封

外戚恩澤侯

列侯

關內侯

爵王侯號

特進侯

侍祠侯

小侯

宦者封侯

婦人封號

四夷侯

位次

戶邑

國租

茅土

朝賀

奉朝

請 就國

王國官屬

侯國官屬

恤典

卷四十一

後漢三

職官

太傅

上公

太尉

司徒

司空

三公以上

將軍

自太傅至將軍為五府

太常

光祿勳

衛尉

太僕

大鴻臚

宗正

大司農

少府

以上九卿

卷四十二 後漢四

職官

執金吾 太子太傅 大長秋 太子少傅 將作大匠 城門校尉 北

軍中侯 司隸校尉 河南尹 刺史列郡 縣道 鄉亭 諸郡別置官

使匈奴中郎將 護烏桓校尉 護羌校尉 西域都護戊己校尉 西園

八校尉

卷四十三 後漢五

職官

品秩官數附 奉祿 官稱 世官 行領試守假 侍講給事中 待詔

省官 奉使外國 案行災害清詔附 恩賜 卹典贈官附

卷四十四 後漢六

職官

外戚貴盛 黨錮始末 宦官擅權

卷四十五 後漢七

吏治

上計附考課 刺舉 久任 班宣風化 旌節義 戒官吏 附循吏

酷吏

卷四十六 後漢八

選舉

賢良方正 博士弟子 孝廉附廉吏 至孝 有道 淳厚質直 仁賢

茂才四行 明經 計偕 將帥 耆儒 試尚書 試博士 童科

任子 公府選舉 公府辟除 州郡辟除 上計吏 聘處士 宣

陵孝子

卷四十七 後漢九

學校

帝學 太學 宮邸學 鴻都門學 郡國學 國史 圖書 經學

五經諸儒 易家 尚書家 詩家 禮家 春秋家 講論經義

卷四十八 後漢十

田賦

田制 水利 租稅 假民田苑蠲假稅 勸農桑

戶口

戶口

孝悌力田

崇孝行

戒奢侈

奴婢

職役

三老

鄉亭長

民伍

復除

賜民爵

賜粟帛附

罷貢獻

卷四十九

後漢十一

權算

口賦

更賦

算賦

鹽鐵

雜稅

禁酤酒

錢幣

錢制

財用

平準

均輸平準

轉漕

荒政

振貸附

常平倉

調度

卷五十

後漢十二

禮吉

禮儀

光武卽位告天

郊祀

封禪

北郊

明堂

辟雍

靈臺

宗廟

禘祫

社稷

靈星

六宗

高禪

飲酎

雜祭祀

齋

夕牲 迎氣 立春 立夏 夏至 黃郊 立秋 立冬 冬

至 合朔 伍供 親耕 親蠶 祓禊 請雨 桃印 貍劉

臘祖 大饗 土牛以上吉禮

卷五十一 後漢十三

禮嘉賓軍凶

行幸 循守 朝會 上尊號 上壽 拜皇太子 拜諸侯王 養老

案比 冠 婚 大射 鄉飲 詔令 章奏 封事以上嘉禮

封先代後 祠祭裏贈先聖以上賓禮

講武 校獵 饗衛士以上軍禮

山陵 寢園 上陵 服制 奪服以上凶禮

樂

樂舞 詩頌 蠻夷樂

卷五十二 後漢十四

車服

玉輅 乘輿 金根 安車 立車 耕車 戎車 獵車 駢車

青蓋車 綠車 皐蓋車 夫人安車 大駕 法駕 小駕 輕車

大使車 小使車 載車 導從車 車馬飾 警蹕 璽 百官印

節 符 檠 關傳 冕冠 長冠 委貌冠 皮弁冠 爵弁

冠 通天冠 遠遊冠 高山冠 進賢冠 法冠 武冠 建華冠

方山冠 巧士冠 却非冠 却敵冠 樊噲冠 術士冠 鵠冠

幘 佩玉 佩刀 佩印 黃赤綬 赤綬 綠綬 紫綬 青綬

墨綬 黃綬 青紺綸 后夫人服

卷五十三 後漢十五

運歷

律準 候氣 賈逵論歷 永元論歷 延光論歷 漢安論歷 熹平論

歷 論月食 歷元 天文 服色 時令 渾儀

卷五十四 後漢十六

方輿

都邑 輿圖 省併郡國 十三部 復九州 宮苑 河渠 關梁

傳置

卷五十五

後漢十七

兵

光武中興

光武平赤眉

光武平漁陽

光武平齊

光武平隴蜀

宿衛

衛士

金吾緹騎

北軍五營

將軍領兵

城門兵

黎陽營

雍

營

西園軍

郡國兵

積射
命

笑騎

募罪徒戍邊

徙民實邊

命將

兵法

兵器

兵符

馬政

屯田

亭候塢壁

烽燧

障塞

刻

石記功

類祭告功

卷五十六

後漢十八

刑

法令

刑制

贓罪

選舉不實

恤刑贖罪

中都官獄

斷獄案罪

律學

赦宥

卷五十七

後漢十九

四裔

東夷

南蠻

西南夷

西羌

卷五十八

後漢二十

四裔

西域

南匈奴

北匈奴附

烏桓

鮮卑

二十四史九通政典類要合卷三十九

後漢一

帝系

帝號歷年概元 皇太后皇后 皇太子皇子 宗室公主 內職 諸園貴人 出宮人

世祖光武皇帝諱秀字文叔南陽蔡陽人高祖九世之孫也出自景帝生長沙定王發發生春陵節侯買買生鬱林太守外生鉅鹿都尉回回生南頓令欽欽生光武光武年九歲而孤養於叔父良身長七尺三寸美須眉大口隆準日角性勤於稼穡而兄伯升好俠養士常非笑光武事田業比之高祖兄仲王莽天鳳中乃之長安受尙書略通大義莽末宛人李通以圖讖說光武云劉氏復起李氏爲輔光武初不敢當然獨念兄伯升素結輕客必舉大事且王莽敗亡已兆天下方亂遂與定謀於是乃市兵弩十月與李通從弟軼等起於宛時年二十八更始元年兄伯升立劉聖公爲天子伯升爲大司徒光武爲太常偏將軍破莽軍於昆陽更始拜光武爲破虜大將軍封武信侯九月三輔豪傑共誅王莽傳首詣宛更始將北都洛陽以光武行司隸校尉更始至洛陽乃遣光武以破虜將軍行大司馬持節北度河鎮慰州郡二年更始遣使立光武爲蕭王建武元年卽皇帝位於鄴南中元二年二月帝崩年六十二葬原陵有司奏上尊廟曰世祖

後漢書光武帝紀

皇考南頓君初爲濟陽令以建平元年十二月甲子夜生光武於縣舍有赤光照室中欽異焉使卜者王長占之長辟左右曰此兆吉不可言是歲縣界有嘉禾生一莖九穗因名光武曰秀明年方士

有夏賀良者上言哀帝云漢家歷運中衰當再受命於是改號爲太初元年稱陳聖劉太平皇帝以厭勝之及王莽篡位忌惡劉氏以錢文有金刀故改爲貨泉或以貨泉字文爲白水真人後望氣者蘇伯阿爲王莽使至南陽遙望見春陵郭喈曰氣佳哉鬱鬱葱葱然及始起兵還春陵遠望含南火光赫然屬天有頃不見初道士西門君惠李守等亦云劉秀當爲天子其王者受命信有符乎不然何以能乘時龍而御天哉

光武帝紀論

炎正中微大盜移國九縣颺回三精霧塞人厭滯詐神思反德光武誕命靈貺自甄沈幾先物深略緯文尋邑百萬貔虎爲群長轂雷野高峯雲英威既振新都自焚虔劉庸代紛紜趙梁三河未澄四關重擾神旌乃還遞行天討金湯失險車書共道靈慶既啟人謀咸贊明明廟謨赴赴雄斷於赫有命系隆我漢

東漢世祖光武皇帝以王莽篡位之十四年壬午起兵乙酉卽皇帝位遷都洛陽時年二十九在位三十三年丁巳崩壽六十一

改元

建武三十一

中元二

通考帝系考

顯宗孝明皇帝諱莊光武第四子也母陰皇后帝生而豐下十歲能通春秋光武竒之建武十五年封東海公十七年進爵爲王十九年立爲皇太子師事博士桓榮學通尚書中元二年二月戊戌卽皇帝位年三十永平十八年秋八月壬子帝崩年四十八壬戌葬顯節陵十二月癸巳有司奏宜尊

廟曰顯宗明帝紀

明帝善刑理法令分明日晏坐朝幽枉必達內外無倖曲之私在上無矜大之色斷獄得情號居前代十二故後之言事者莫不先建武永平之政而鍾離意宋均之徒常以察慧爲言夫豈弘人之徒

未優乎漢書明帝紀論

顯宗承業兢兢危心恭德政察姦勝備章朝物省薄墳陵永懷廢典下身導道登臺觀雲臨雍拜老懋惟帝續增光文考漢書明帝紀贊

顯宗孝明皇帝以戊午嗣立即位十八年乙亥崩壽四十八

改元一永平十八通考帝系考

肅宗孝章皇帝諱炟顯宗第五子也母賈貴人永平二年立爲皇太子少寬容好儒術顯宗器重之十八年八月壬子卽皇帝位年十九章和二年正月壬辰朔帝崩年二十三三月丁卯葬敬陵辛酉有司奏請上尊廟曰肅宗章帝紀

魏文帝稱明帝察察章帝長者章帝素知人厭明帝苛切事從寬厚感陳寵之義除慘獄之科深元元之愛著胎養之令奉承明德太后盡心孝道割裂名都以崇建周親平徭簡賦而人賴其慶又體之以忠恕文之以禮樂故乃蕃輔克諧羣后德讓謂之長者不亦宜乎在位十三年郡國所上符瑞合於圖書者數百千所烏乎懋哉章帝紀論

肅宗濟濟天性愷悌於穆后德諒惟淵體左右載文斟酌律禮思服帝道弘此長懋儒館獻歌戎亭

虛候氣調時豫憲平人富

章帝紀贊

肅宗孝章皇帝以丙子嗣立即位十三年戊子崩壽三十三

改元二 建初八 元和三 章和二 通考帝系考

孝和皇帝諱肇肅宗第四子也母梁貴人爲竇皇后所譖憂卒竇后養帝以爲己子建初七年立爲

皇太子章和二年二月壬辰卽皇帝位年十歲永元三年正月帝加元服元興元年十二月辛未帝

崩年二十七延平元年三月甲申葬愼陵廟曰穆宗

和帝紀

自中興以後逮於永元雖頗有弛張而俱存不擾是以齊民歲增闢土世廣偏師出塞則漠北地空

都護西指則通譯四萬豈其道遠三代術長前世將服叛去來自有數也

和帝紀論

孝和沈烈率由前則王赫目中賜命彊慝抑沒祥符登顯時德殤世何早平原弗克

和帝紀贊

孝和皇帝以己丑嗣立即位十七年乙巳崩壽二十七

改元二 永元十六 元興一 通考帝系考

孝殤皇帝諱隆和帝少子也元興元年十二月辛未夜卽皇帝位時誕育百餘日延平元年八月辛

亥崩年二歲九月丙寅葬康陵

殤帝紀

孝殤皇帝生始百日嗣立丙午崩壽二歲

改元一 延平元年 通考帝系考

恭宗孝安皇帝諱祐肅宗孫也父清河孝王慶母左姬帝自在邸第數有神光照室又有赤蛇盤於牀第之間年十歲好學史書和帝常稱之數見禁中延平元年慶始就國鄧太后特詔留帝於清河邸八月殤帝崩太后使鄧騭特節迎帝拜爲長安侯詔以祐爲孝和皇帝嗣卽皇帝位年十三太后猶臨朝永初三年正月庚子帝加元服延光四年二月甲辰南巡狩二月庚申幸宛乙丑自宛還丁卯幸葉帝崩於乘輿年三十二庚午還宮辛未夕乃發喪四月己酉葬恭陵廟曰恭宗

獻帝初平元年省去廟號

帝紀 安

孝宗雖稱尊享御而權歸鄧氏乃至損徹膳服克念政道然令自房帷威不逮遠始失根統歸成陵敝遂復計金授官移民逃寇推咎台衡以答天責既云哲婦亦惟家之索矣

漢書安帝紀論

安德不升秕我王度降奪儲嫡開萌邪蠹馮石承歡楊公逢怒彼日而微遂禪天路

安帝紀贊

恭宗孝安皇帝以丁未嗣立在位十九年乙丑崩壽三十二

改元五

永初七 元初六 永甯一 建光一 延光四 通考帝系考

孝順皇帝諱保安帝之子也母李氏爲閭皇后所害永甯元年立爲皇太子延光三年安帝乳母王聖大長秋江京中常侍樊豐譖太子乳母王男厨監郗吉殺之太子數爲歎息王聖等懼有後禍遂與豐京共構陷太子太子坐廢爲濟陰王明年三月安帝崩北鄉侯立濟陰王以廢黜不得上殿親

臨梓宮悲號不食內外羣僚莫不哀之及北鄉侯薨車騎將軍閭顯及江京與中常侍劉安陳達等
白太后祕不發喪而更徵立諸國王子乃閉宮門屯兵自守十一月丁巳京師及郡國十六地震是
夜中黃門孫程等十九人共斬江京劉安陳達等迎濟陰王於德陽殿西鍾下卽皇帝位年十一建
康元年八月帝崩年三十九丙午葬憲陵廟曰敬宗獻帝初平元年省去廟號順帝紀
古之人君雖幽放而反國祚者有矣莫不矯鑒前違審識情僞無忘在外之憂故能中興其業觀夫
順朝之政殆不然乎何其微僻之多與順帝紀論

孝順皇帝以丙寅嗣立即位十九年甲申崩壽三十

改元五永建六陽嘉四永和六漢安二建康一通考帝系考

孝冲皇帝諱炳順帝之子也母曰虞貴人建康元年立爲皇太子其年八月庚午卽皇帝位年二歲
尊皇后曰皇太后太后臨朝永嘉元年正月戊戌帝崩年三歲己未葬懷陵冲帝紀

孝冲皇帝以乙酉嗣立一年崩壽三歲

改元一永嘉元通考帝系考

孝質皇帝諱續肅宗玄孫曾祖父千乘貞王伉祖父樂安夷王寵父渤海孝王鴻母陳夫人冲帝不
豫大將軍梁冀徵帝到洛陽都亭及冲帝崩皇太后與冀定策禁中丙辰使冀持節以王青蓋車迎
帝入南宮丁巳封爲建平侯其日卽皇帝位年八歲本初元年閏六月甲申大將軍梁冀潛行鳩弑

帝崩年九歲七月乙卯葬靜陵

實帝紀
互見外戚

孝順初立時髦允集匪砥匪革終淪嬖習保阿傳土后家世及冲夭未識實弒以聰陵折在運天緒

三終順冲實
帝紀贊

孝實皇帝立時年八歲在位一年為梁冀所鳩崩年九歲

改元一本初元
考帝系考通

孝桓皇帝諱志肅宗曾孫也祖父河間孝王開父蠡吾侯翼母偃氏翼卒帝襲爵為侯本初元年梁

太后徵帝到夏門亭將妻以女弟會實帝崩太后遂與兄大將軍冀定策禁中閏月庚寅使冀持節

以王青蓋車迎帝入南宮其日即皇帝位時年十五太后猶臨朝政建和二年正月甲子帝加元服

永康元年十二月丁丑帝崩年三十六建甯元年二月辛酉葬宣陵廟曰威宗

獻帝初平元年省
去廟號 桓帝紀

前史稱桓帝好音樂書琴瑟飾芳林而考濯龍之官設華蓋以祠浮圖老子斯將所謂聽於神乎及

誅梁冀奮威怒天下猶企其休息而五邪嗣虐流衍四方自非忠賢力爭屢折姦鋒雖願依斟流冕

亦不可得已

桓帝
紀論

桓自宗支越躋天祿政移五倖刑淫三獄傾宮雖積皇身靡續

桓帝
紀贊

孝桓皇帝以丁亥嗣立位二十一年丁未崩壽二十六

改元七建和三
壽三 延熹九
元嘉一 永興一
永康一 通考帝系考永

孝靈皇帝諱宏肅宗玄孫也曾祖河間孝王開祖淑父長世封解瀆亭侯帝襲侯爵母董夫人桓帝崩無子皇太后與父城門校尉竇武定策禁中使守光祿大夫劉儵持節將左右羽林至河間奉迎建甯元年春正月壬午城門校尉竇武爲大將軍己亥帝到夏門亭使竇武持節以王青蓋車迎入殿中庚子卽皇帝位年十二四年正月甲子帝加元服中平六年四月丙辰帝崩年二十四六月辛酉葬文陵靈帝紀

秦本紀說趙高譖二世指鹿爲馬而趙忠張讓亦給靈帝不得登高臨觀故知亡敝者同其致矣然則靈帝之爲靈也優哉

靈帝負乘委體宦孽徵亡備兆小雅盡缺麋鹿霜露遂棲宮衛靈帝紀贊

孝靈皇帝以戊申嗣立有位二十一年戊辰崩壽二十四

改元四 建甯四 熹平六 光和六 中平六 通考帝系考

孝獻皇帝諱協靈帝中子也母王美人爲何皇后所害中平六年四月少帝卽位封帝爲渤海王徙封陳留王九月甲戌卽皇帝位年九歲遷皇太后於永安宮太赦天下改昭寧爲永漢興平元年正月甲子帝加元服延康元年十月乙卯遜位於魏王丕奉帝爲山陽公邑一萬戶位在諸侯上都山陽之濁鹿城魏青龍二年薨年五十四八月以漢天子禮儀葬於禪陵獻帝紀

傳稱鼎之爲器雖小而重故神之所寶不可奪移至今負而趨者此亦窮運之歸乎天厭漢德久矣